

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600 SP Hotline Number 7085-256-377



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67


Hmasawanna Thar Vol - 32/213

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy



Kris Jenner - in Kim nau pat pek a huom-P4

May 26-ah HI Spl. Assembly nei ding; Assembly Secretariat Election a um ding



CCPUR: Hmar Inpui, GHQ 8th Executive Committee (EC) Meeting chu May 22, 2017 chawhnung dar 12 vel khan Hmar Secretariat, HSA Campus, Rengkai, CCPur hmunah nei a ni a. Hi huna hin May 26, 2017 chawhma dar 11 AM ah LJ Memorial Hall, JJ Plaza, Rengkai Road, CCPur hmun ah Hmar Inpui GHQ, Special Assembly nei dingin thutlukna siem a ni bakah EC Agenda ding hai ngaituotlang a ni baw. Chun, Assembly Secretariat Officers hai term a bo ta leini inthlangna um a ta, inthlangpuitu Election Commission dingin Chairman le Secretary, Hmar Christian Leaders' Forum (HCLF) chu Chief Election Officer le a'nthlawpuitu ding Election Officer in ruot an nih. Hi huna Agenda ding thupawimaw thelut ding nei hai chun May 26, 2017 hma neia Gen. Secy./President, Hmar Inpui, GHQ kuta ziek neia pelut dinga ngen an nih.

Secretariat a hin member-Speaker, Deputy Speaker 2 (pahni) le Assembly Secretary le Deputy Secretary hai an um a nih. Hi HI GHQ Executive Committee Meeting chun tukum May 16 a Hmar hnam tadinga hringna inhlai hrietzingna le inzana a Hmar Martyrs' Day in-serma le hi ni leh inzawma hmalakna le hlawtling taka huoihawt a um item chi tum tum hai chu lawmum le ropui a ti a, hmalatu le huoihawttu Hmar Martyrs' Trophy Organising Board (HMAOTOB) le hmun hnan hnan a hi ni ursun taka lo insertu hai popo chung ah lawmthu a hril.

Temperature Logger inbuk ding

CCPUR: United Nations Development Program (UNDP) a inthawk Churachandpur district-a hmgang dinga hung pek damdawi hai siethatna Cold Chain Point tinah Temperature Logger inbuk vavng ning a tih.

ger hin Mobile Phone fethlengin District sunga Vaccine Logistic & Cold Chain Manager le District Immunization Officer hai inhrietirna peng a ta, UNDP head office a khawm message a peksawng a ta, temperature indiknaaw a hun taka siem dik theini a hung um ding a nih.

Guite Road siemna sin a fe mek

CCPUR: Bhartia Infra Projects Limited chun National Highway 102B - Guite Road siemna First phase an tan mek. Phase 1-a lampui siem ding hi kms. 68.80 a sei Singgat-Mualnuam inkar a ni a, Bhartia Infra Projects Limited hin Paver Machine hmgang alkatara (bitumen) sungin lampui hi an siem a, tuchena lampui siemna hi lungawium tawka ngai a ni

a. Lampui siemna fe mek le inzawm hin lampui siemna in hraw khuo, mimal le pawl tum tum hai chu lampui siemna hmgangro suk-chingpen le sinthawna suk-buoi zawnga um loa thlawp seng dingin ZRO chun thusuok siem an inhrietir a, sin thaw sukbuoi zawnga che hai chung action lak ning a ta, tukhawmin hril buoi thei naw nihai tiin thusuok chun a hril.

Zawlbuk FC in Voluntary Blood Donation Camp an huoihawt

CCPUR: Zawlbuk Football Club chun May 22, 2017, 9:30AM a inthawk khan Blood Bank, District Hospital, CCPur le thanguolin Rengkai Government Higher Secondary School-ah Voluntary Blood Donation Camp an huoihawt.



Hi huna hin Dr Vijayanta Kshetrimayum, MO, Blood Bank, District Hospital in welcome address hrilin Pu PC Ngaia chun Blood Donation Camp tha-um le inzawmin thuhri-na hun a hmgang.

pasal 27 le nuhmei 16 an t hang a, hienghai laia 10 chu student an ni a, 9 hai chu Zawlbuk FC a inthawk le midang 24 an nih.

CM-in Senapati Dist Rs. 202 Crore pek dingin a puong Mao-Imphal Road NH.2 siemna ding Rs.301 Crore riruong a nih: CM

IMPHAL: Ni hni sung aw ding Barak Spring Festival 2017 chu Thawtanni khan Chief Minister Mr N. Biren Singh-in mini-secretariat ground, Senapati ah a hawng a. Senapati district kawng hnan hrana hma a sawn theina dingin Rs.202 crore pek a nih ding thu a puong. Mao-Imphal road NH No.2 a potholes hai po po hrukbitna ding khawm Ni 100 Program ah a thang niin a hril baw.



CM Mr N. Biren Singh chun, Sangai Festival le Shirui Festival hai angin, Barak Spring Festival khawm organizing committee hai le irawmin State Festival a ni theina dinga hma a hung lak ding thu a hril a. Kum nawka hmgang sengo po po sawrkarin a tum ding thu puongin, tu kuma hmgangna sengo ding khawm Rs.50 lakh organizing Committee pek a tiem baw leini mipui an lawm hle.



Mao-Imphal lampui siem hatu dinga ruot niin Rs.301 crore estimated a ni thu le, Tadubi-Tolloi lampui, Senapati le Ukhrul zawmtu siemna dingin Rs.64 crore riruong niin a hril baw.



CM-in thaw ding dang a hrilai chu; Mayangkhang ah IIT indin, khaw kikhawrhai elektik sukvar, Senapati dist. Hqrs. ah High Mast Light sie, Maram tribe Art & Culture Centre le hmun hnan hrana IB hai bawl ding tihai an nih.

hi a district a inthawka suok a ni leini venghima chu district mipuihai maw-phurna a ni thu a hril a. CM chu Mega Water Supply le hmunhawnk dehawna project a district-a siem dingin a ngen ngahl.

JPO in Victims sunghai kutah an inhlai tah



CCPUR: Tribal Martyrs Office, Hmuia Veng-ah Upa Laladawlnien Varte, President, HYA GHQ irawmin JPO chun inhlai na nei. Tribal Movements leia hliemna tuok, inrik deu hai kuomah Rs. 20,000/- seng, thina tuok sungkuo hai Rs. 50,000/- seng le ruong tuomna 250 seng le Bel pakhat seng inhlai an nih.

sienkhawm a rik zuol hai kuoma thanguina hi pek a ni thu, hnam anga inthlierna ni loin Khaizamang ruong vui a ni huna khan Kuki Inpi thuoituhai kuomah ama puola a chang ding po pek a lo nita thu hi huna thu hrilin, thawsuol a um chun inngaidamtuo dingin ngen-a a siem.

Zanita hieng thil hai inhlanna huna hin victim family tieng aiawin Pau-nanhang in thu a hril a, beidawng taka an um laia JPO in hma an hung lakna leia hiengang ngirhmun tung thei an ninaah sawl taka buoiuiputu JPO thuoitu hai chung lawmthu an hri-la Pathien in hrata le mal-sawmna tamlema vur dingin ditsakna an hlan.

Moreh-ah nupui pakhat kap hlum, Bandh puong a nih

IMPHAL: Zani zantieng dar 4:10 vel khan India le Myanmar inrina Moreh Gate No. 2, Namphalong Bazar bulah pasal pahni, Bike a chuong han Shanti (47) of Kumbi, tuta Moreh Ward No. 2 a um chu an kap hlum.



Shanti hi Moreh le Namphalong inkara pawt phura inhlaw hlak (Cooli) nia hril a nih. Hi thil tung an dodal-

zie le mi kaphlumtuhai an demzie suklanngain Moreh a cheng hnam le pawl tum tum han Moreh

Bandh an puong ngahl a, bandh hin vawizan zanril chen a huom ding nia hril a nih.

Commerce & Industries minister in a hawng



IMPHAL: CISR-North East India Institute of Science and Technology Branch Laboratory, Lamphelpat hmunah zanikhan Commerce 7 Industries Minister Th. Bishwajit in Banana Fibre Development Centre le ni 5 sung aw ding Training Pro-

Maw chingtuahai Banana Fibre Development Centre hin an thawsuok a sukdam pha a beisei thu khawm minister hin a hril. Loneituhai chu Stevia (damdawi siemna hmgang hlak) le Dragon Fruit ching uor zuol dingin a ngen. Dragon Fruit lem hi chu Cancer damdawi chikhat nia hril a nih.

May 23 zantieng dar 3:00 hin Class XII result suok dinga hril

IMPHAL: Council of Higher Secondary Education Manipur (CoHSEM) huoihawta hnuoia Higher Secondary Examination, 2017 (Class XII) result chu May 23, 2017, 3:00PM hin Manipur Education minister Th. Radheshyam Singh in Council Office, Imphal-ah a tiangzar/puong ding niin ei thu dawngna chun a hril. Result hihttp://man-results.nic.in ah hmu thei ni dinga hril a ni baw.

International Day for Biological Diversity



IMPHAL: Directorate of Environment huoihawtnain zanikhan Manipur State Film Development Society (MSFDS) Auditorium Hall, Palace Compound, Imphal hmuona International Day of Biological Diversity hmgang a nih. Hi Day hmgangna hin Forest & Environ-

ment minister Th. Shyamkumar chu khuollienin a thang. Kum thara inthawk chu mipuihai hrihrietna dingin hi Day hi Manipur hmun hnan hrana haia khawm hmgang ta hlak dingin Th. Shyamkumar chun Directorate of Environment a ngen.

Zu sen chi tam tak an man



IMPHAL: Zanikhan Priyadarshini Laishram, Additional SP, Imphal West le a rawi huan G.P. Women's College, Imphal tuolzawn lai Truck pakhat sukchawla an dapnaah Zu sen chi Indian Made Foreign Liquor (IMFL) tam tak dapdawkin an man. Zu sen chi mana um hi cheng nuoitel manhu nia hril a nih.

Lawmpuinain bu an fakpui



CCPUR: May 21, 2017 khan Eastern Khuga Right Side Canal Farmer's Association chun Pu Hri-la in Executive Member (EM), ADC, CCPur a chang lawmpuinain bu an fakpui bakah lawmpuinain puon an insiltir. Hri-la, EM in thu a hri-la, ama khawm kut sinthawa fakzawng a lo ni hlak thu, kut sinthawai a ngai pawimaw zie, ca-

nal chungchang chun Farmer-hai leh thanguolu tui hmu that theina dinga hma lak a ni ding thu hai a hril. Chun, Farmer-hai chu a hma neka bu le bal thar-suok tam lem dinga hma la nasa nawk zuol dingin an fui tawl. Ama puol lie licua hiengang lawmpuina an siem chu lawmum a ti thu Pu Hri-la hin a hril baw.

VAWISUN THUPUI

Chuongchun i changzie le i hrietzie kha hre zing rawh; chun chuchu pawm la sim rawh. In veng naw chun rukru angin hung ka ta, ieng hun am ka hung phawk ding che hre si naw ti nih. -2 Johan Thupuo 3:3

Editorial

Churachandpur Bazar

Manipur State a dingin Churachandpur chu second town a ni ang hrimin, Manipur a town um hai laia an thang hrat tak chu Churachandpur town hi niin an lang. Town inthanglien le hmasawn ei ni hi lawm a um. Hieng laizing hin Churachandpur town sunga hmeruo zawrna, sa le nga zawrna bazaar hmun le building hai hi duthu an sam naw hle. Bazar hmun hi an tep el bakah a tawp taluo deu a, Bazar kaihahi ta dingin a rinum hle. Tuta neka tha lema siem t hat le suk changkang deu nisienla lawmum hleng a tih. A bik takin sa le nga zawrna hmun hai hi suk changkang le suk thienghlim thei deu hung nithei sienla chu lawmum hleng a tih. Sa le nga zawrtuhai hin an Sa le Nga zawrna dawr le dawkan hai hi tuta nek hin suk changkang thei hai sienla nuom a um.

Sa tiengpang hi ngaimaw a um zuol bik. Indian Foods Adulteration le meat processing danah chun sa tha, sa thienghlim le fak tlak chau zawr ding ti a nih. An chawtu hai dit lo, sa tha lo le hrisel lo zawr chu danin a khap a nih. Ei Churachandpur town le a se vel haiah chun, India ram dana sa fak tlak lo le zawr lo dinga a tihai khawm zawr a nih. Hi chungchang hi sawrkar tiengpang hin ngaimawm enfel thei zing sienla nuom a um. Chuong a ni naw chun ei sa hme le fak hai hin ei hriselna a tawkpawi mek a, a la tawkpawi pei ding niin an lang.

Sa ei dit n alai tak ei hang kaw k a, sa zawrtu le sattu han ei kawka bul chiea mi a buk ting lo hretin an hang sat thla a, chu hnungah a buk suktingna dingin ei dit am, ei dit naw am a sa tha naw lai an hang buk sa a. Ei dit naw thu ei hang hril khawmin umzie a nei naw a, i dit naw le la dal el rawh ti tawngbau chu a dawna a nih. Pathien nia sungkuoa sa hme nuom seng ei ni si lein ei inchawk naw thei si nawh. Vawk ke, vawk mei, vawk ketin, vawk hnar, vawk nakawr hai hi a duhai ta ding chun an hnik hle khawm a ni thei. Nisienlakhawm, fak le dawn ei dittui tiel a, hriselna ei ngaipawimaw a, sa tha lo hi chu ei pei hmang tho tho hlak. Buoithlak tak a nih. Hiengang sa hai hi chu a hrana zawr le a dithai inchawk dinga sie el ni thei sienla lawmum hleng a tih.

Chun, Lawi sa hi Bawngsa anga zawr ni naw sienla nuom a um. A hranpaa zawr ni hlak sienla nuom a um. Kristien seng ei ni a, inhlam kher hi ching lo a tha. Lawisa dit le lo khawm an um tho a, a dit le a duhai chun an inchawk tho ding a nih. Bawngsa le chawkpawl kher a tul nawh. Sa hi ei hang suong pha leh ieng sa am a na ti hriet thei tho tho a hung ni hlak. Ran that a, a sa zawr dinghai hi State danghai thaw ang bawkin that le a sa zawr a ni hmain ran doctor han enfel hmasa phawt hai sienla, sa zawr tlaka an hriet hai chau certificate pein zawr ni thei sienla chu lawmum hleng a tih.

Churachandpur town sunga veng tin deuthawah Bazar a um a. Hieng Bazar le dawr haia hin nitin mamaw, fak thei, dawn thei le thumhnaw chitin reng zawr an nih. State danghai ang lo takin ei rama chun nu valai, nupui upa tieng deu le tar ti thei ding hai vawng Bazar-ah an inthung nileng a, thahnemngai takin kawla nisa suok zuuin an pasal le an nauhai inah uop lum hman lo khawpin an um kum tuon a ni deu tak. Hi thil hi ei insung ta dinga thil tha tak, thawzing chi a ni am ti hi ngaituo chieng a tul hlein an lang.

Bazaar le Dawr haiah hin papui, tleirawl le tlangval hai hi thung nileng ve ta thung hai sienla, nunghak le nupuihai hi in tieng sin thaw lem ta hai sienla, ei sungkuo le ei society hin a thapui lem dim aw ti khawm hi chik taka ngaituo tham a tling a nih. India ramrilah hai khun chu Bazar le dawr haiah nuhmei, a bikin nupui le nuhmei upa tieng deu nekin pasal an tam lem. Nu takhai chun in tieng nauhai buoiptuin, in le a vel an vawng uluk em em a, intieng sin popo nuhmeihai kutah a um a ni deu tak. Ei ni lai ruok hin chu nu le pa han in ei suoksan deu seng a, in a lo um chu naupang le umpui hai an nih. Hi lei hi mani ding ei insungin baksm a nei niin an lang. Hi chungthu hi chik taka ei ngaituo a, nuhmeihai in a an um tam lem dan ding ei ngaituo a tul ta a nih.

Mass marriage ceremony-ah Assam le Uttarakhand CM hai

NORTH LAKHIMPUR: Mass Marriage ceremony hi Seva Bharati-Prvanhal, Sevayan Assam le Hindu Chah Janagosti Santriti Suraksha Parishad hai chu zanita North Lakhimpur-a Tyagkshetra hmuna mass marriage ceremony-ah an thang.

MISSING THE TRAIN

H.Zaneisang.

Mihai anga thlang sappui tawng thiem ang zie zangin thupuihai English hei hmang ve tlat ka tih ie. Ei thupui-ah tiemtu nupui le papui thenkhat a buoi tawk an lo umpal thei leini, a umzie hei hrilfie hmasang ei tih. 'Missing the train' ti umzie chu, 'Mani chuongna ding train (rel) nang lo' ti'n la, a fie tawk el awm ie. Ei thupui le inzawma ei thil hril tum a fie theina dingin, Century chanve neka tam zet liemtah, Pawl 8 kan chuk ve laia kan English subject bua ruolcham pathum, zan dar 9 vela Dover station-a hung hai chanchin la hei hril ka tih.

Tum khat chu ruolcham pathum hi Dover railway station-ah zan dar 9 minutes 15 velah hungin, porter pakhat kuomah train (rel) fe nawk hmasatak ding hun an indawn a. Porter chun, "In hung nang naw char a nih. Train hi darakar tina suok a nih a, a fe nawk hmasatak chu dar 10-ah suok nawk a tih," ti'n a dawn a. Chu phing leh anni chun, "Hun a la tam chu, hung ro, hotel (refreshment room)-ah dawn le fain van sukhlim ei tih," ti'n restaurant an pan ta diel a.

Dar 10 minute hni khat vela a pel hnung chun hotel-a inthawk hung tlan suokin, "Train a lo suok nawk an ta?" ti'n porter chu an indawn a. Ama chun, "Aw, dar 10 kha a lo suok nawk tah. Dar 11-ah a dang suok nawk a tih," ti'n a dawn a. Ruolcham pathumhai chu, a ngaiten, insukhlim dingin restaurant chun an pan nawk ta diel a. A hma ang bawkin dar 11 train khawm chu an nang hman nawk ta nawh a. Porter chun an kuomah. "Vawizana dinga train nuhnungtak ding chu dar 12-ah a suok ding a nih a. A hma anga in nangnaw nawk a ni chun, vawizana London in lung thei ta naw ding," ti'n fel takin a hril a.

Ruolcham pathumhai chun, "Darakar khat zet ei la nei an nawm; thawro van sukhlim nawk ei tiu," ti'n restaurant chun an pan nawk ta diel a. Dar 12 a hung inri chun, train khawm chu an tawl tan nawk ta thut t hut a. Ruolcham pathumhai chu restaurant-a inthawk hung suokin, a hrata hratin an hung tlan a. Anni laia pahnhai chu train-ah an inchawm kai hman tawk a; pakhat ruok chu a kai ve hman hma'n train chu a tlan liem tah a. Porter chu a kuomah hungin, "Train nuhnungtak a ni ding tak thu ka hril mawl mawl cheu an naw maw? Ieng dinga inhma deua hung lo am in ni leh?" a lo tia.

{Kan hotupa mi hril dan takin hei hril hmasang ka tih aw. *The man stood there looking at the train and laughing, as if to miss a train was the best joke in the world. He laughed until the tears came into his eyes. Then he caught hold of the porter and said, "Did you see those two fellows get into the train and leave me here?" "Yes I saw them," the porter said. "Well, I was the one who was going to London; they only come here to see me off!!"*}

Train tlan thut thut mek hnawt a, kai hman ve ta lopa chu, train nangnaw chu khawvela thil nuizatum tawpkhawm ni hiel ang el chun mitthil tla pheng phungin an nui el tah a. Portar-pa kuoma chun, "Ka ruolhai mi pahnhil, London fe ding train-a inchawm kai tahhai kha i hmu maw? Kei hi London fe ding chu ka nih a; ka ruolhai ruok kha chu, a min thla dinga hung ve mei mei chau an nih an sawnawm aw? Kei a fe ding tak pa hi mi zamnanin anni an fe ta lem a ni kha," a ti tah a.

Pu L Ruoviel Pangamte'n ei hnam le ei society hmasawna dinga THIEMNA (Education) pawimaw bek bek thu a ziek hlak a. Tha le indik ka ti'n, lawmum ka ti thei khawp el a. A thuziek hei tuihni ka nuom thei khawp el a chu, thiemna kawngah kei le ka insung

kan chau lulai em leini, mani hnawt phaknaw taluo thu hang ziek chu ka ngam ngai nawh a. Amiruokchu, a chungra ruolcham pathum-hai ang el khin hlim hlawp ei ngaina taluo lei dam le san hrang hrang leia ei chuongna ding train ei nang naw rawp hlak niin ka hriet ve deu hlak bawk si.

Ei society hi ei tam naw naksapah state panga Mizoram, Manipur, Assam, Meghalay le Tripura-haiah thechekin ei um a. Abikin Manipur ram dam hi lo hei thlurbing tah in la. Chanchintha le inchukna tieng har hmasa ni si, tuva ei unau hnam danghai hnung hnawta ei um el hi, a san dingawm hril ding tam takhai laia a rupui nia ka hriethai chu, Thiemna (Education) ei ngaipawimaw naw lei le Sakhuo ei inrui taluo lei niin ka suilut ve deu hlak. Ei chengpui ei unau hnam danghai hi, thiemna le damsung khawwak relna kawngah ei hnawt phak naw em em tak zie chu: Ei hnawt phak naw a nih ti khawm hi ei hriet phak naw chu a ni tak tah.

Rev Thangngur-in 'Damlai Khawnvar' ti hla a phuok chang 5-na hin, ka lungril ngaituona le hrietzingnaa hin an lang nawn rawp hlak. A thu lo en ei tih.

Silfen bovin taksa a na thei, Thlarau bovin mittel chu kan lo ni si; I kutah thil hung par lawmin an rieng min tho tam, Thlarau le taksa inkal lovin.

a lo ti hi ngun taka ka ngaituo neu neu changa ka lungri la indawna hung um hlak chu: (1) Ei society telpui hi Pathien rama kal ei chawina kawngah thlarauah ei inthuk tawl tak bek leia thiemna (Education) hi hnephawl ah ei ngai tah ning a ti? (2) Thlarau le taksa inkal lova kalchawi dan ei thiemnaw leini thlarau le taksa rama khawm a kum telin ei inhuoi deu deu a ni tah lem naw maw? (3) Ei chengpui unau hnam danghai neka thlaraua kalchawina ah pal inthuk lem nia inhrie (?)-hai nun hi iengziea inggeinawna le inthuruolnawna thlarauin ami fang hne em em el am ning a ta? (4) Ei thuring inchuktir le sakhaw rama ei inhuoidan le khawtlang nun le ei inhuoidanhai hin thil felhlel a um a ni el naw maw?

Khi a chungina indawna chi 4 zet ka hei tarlanghai khi, hril le dawn nuom dan ka nei a. Ka hmu dan, ka hriet dan le, ka hrilzau nuom dan anga hril dinga hi article hi ziek ka nih a. Amiruokchu, dawnin hril kher ta da'l ka tih. A san chu, mani ngaidan thiem lo in 'balance' or 'rational' taka hril le ziek suok thiem lo ka ni leini, kohran le hnam thuoituhai ngaimaw zangwng hril inlawum ka ti em el. 'Iemie' tawng hmanghai hi, thlaraua ei phak chinhai chu hriein hril ding ka nei hran nawh. Amiruokchu, taksa rama chu a kum telin mihai hnung ei hnawt' ti ruok chu hrechuing thawkhat vieuin kan hriet. 'A tlangui thu ah, ringtu indiktak hnam le society chu thlaraua kalchawinaa chau ni lovin, taksa khawwakna rama khawm hmasawn hrat le intodel ding ei nih' ti hi thudik ni dinga ringtu ka ni ve a. Chuong thilhaia khawm chun tiemtu hai kuomah ngaidan hei phusuok chak vieu lang khawm, tiemtu hai lo ngaituo zawm le hril zawm dingin hang zamnan phawt lem ka tih.

Dated the 20th May, 2017.
Phone 9862065735

Israel-in Palestine hai chanvo thenkhat siemtha pek

TEL AVIV: Israel chun US President Donald Trump Thawtannia Israel an zinna le inzawma inlaichina le boruok tha lem a um theina dingin Palestine hai ta dingin occupied West Bank le Gaza Strip laia economic restriction a siemhai chu a thena zar an thlazzal pek.

Hi baka hin Prime Minister Mr Benjamin Netanyahu Security Cabinet chun, Palestine hai le inlaichina sukthana dingin West Bank laia phalna bova Palestine han duty outpost an bawhail dan hnuoia phalpek an ni thei dan enkaitu ding a ni tih. Chu zova Jerusalem ah thuhirna nei ta a. A zingah Rome panin Brussels tieng a fe pei ta ding a nih.

Trump ngenna anga Israel them pawl lo ding Palestine hai ta dinga concession a siempek chu; West Bank le Jordan hai darkar 24 an infepaw zing theina dingin Jordan vadung chungga Allenby Bridge hawng zing theina dingin, West bank hmartieng Jalameh le simtieng Tarquimiyeh haiah Industrial Zone pahni bawpek ding ti le, Palestine hai awpa hmun haiah Palestine hai in bawl



Trump chu Thawlenni hin Palestine President Mahmoud Abbas tawite inhmupui dingin West bank an ni thei dan enkaitu ding a ni tih. Chu zova Jerusalem ah thuhirna nei ta a. A zingah Rome panin Brussels tieng a fe pei ta ding a nih. Trump ngenna anga Israel them pawl lo ding Palestine hai ta dinga concession a siempek chu; West Bank le Jordan hai darkar 24 an infepaw zing theina dingin Jordan vadung chungga Allenby Bridge hawng zing theina dingin, West bank hmartieng Jalameh le simtieng Tarquimiyeh haiah Industrial Zone pahni bawpek ding ti le, Palestine hai awpa hmun haiah Palestine hai in bawl

naw lem a nih ti a nih. Israel ruok chun hilai ram hi pi le pu a inthawka an ram tah, historically le politically-a an ram a ni thu a hril a. Palestine hai khawmin an ram angin an ngai bawk a nih.

West Bank laia Israel hai outpost, dan lova bawla intumhai, enfietu dinga indin Committee hin kum thum sungin a sin thaw zo a ta. Chu report dungzui chun hma lak ning a tih, tiin Cabinet thusuok chun a hril bawk. A sin tan ni ding tak hril a ni nawu chu a sinthaw hun ding hril a nih. Boruokin a zir naw lem chun thaw lo khawmin a um nawk el thei tiin political observer thenkhatin an hril.

West bank thua Israel le Palestine buoina hi 'buoina re thei lo' a nih a. A tu tu tieng khawmin inremna a um theina dinga zawm bik ding an nei thei naw ve ve a. Ram inchu an ni tlat leini pakhat lem lem an rem vawng annawleh, an pahnia um kawm an rel thei a ni si naw chun thil theilo a nih. Mimala Suol thatfai naw chu thi hmakhat damung hringnun sukbuoitu a nih zing angin lsu hng hma pova an buoina ding chu a nih.

HC Gupta kum 2 jail intang dingin

NEW DELHI: Coal Secretary hlui HC Gupta chu zanikhan Special CBI Judge Bharat Parasher chun Coal scam case-ah kum 2 sung jail intang dingin a chungthu a rel. Ama baka hin senior government officials dang pahni K.S. Kropcha le K.C Samaria hai khawm hi case a bawk kum 2 sung jail intang dingin an chungthu a rel bakah fine Rs. 1 lakh seng chawi dingin a rel. Chun, private firm Kamal Sponge Steel and

Power Ltd. le Managing Director Pawan Kumar Ahluwalia chu kum 3 jail intang ding le fine Rs. 1 crore chawi dingin a rel. Ahluwalia hi Rs. 30 lakh fine chwawisa dinga ti a ni bawk. A case hi Indiklo taka Madhya Pradesh-a Thesgora-B Rudrapuri coal block pekna coal block scam a nih. Theimnaw inchangtira um hai hin High Court-ah appeal an thaw theina dingin bail-a suok a phal pek vawng. (PTI)

NDFB (S) Dy. C-in-C kap hlum

GUWAHATI: Assam-a chun zanikhan Manas National park hmuna NDFB (Songbijit faction) a Dy. Commander-in-Chief Jerimia Musahary chu Army le Police thangruol hai le

inkaptuonaah kaphlum a nih. Inkaptuona hmun hi Chirang district huomsung a ni a, inkaptuona hmuna hin silai le thilpuokthei thenkhat dapdaw a nih.

Class X answer script nu le pahai kuoma pek dan ngaituo

GUWAHATI: Assam Education Minister Himanta Biswa Sarma chun, Class X answer paper enna kawnga langtlang lema thil a hung um theina dingin Assam sawrkar chun Class X board exam-a students hai answer scripts hai nu le pa hai enkir thei dinga pekkir dan a ngaituo mek a nih tiin zani hmasaa press conference hun a hril. Amiruokchu, hi thil hi thila thaw nghal thei ding thil a ninaw a, hmaitieng peia thaw din-

ga ngaituo a nih tiin a hril. Board of Secondary Education Assam (SEBA) hnuoia grace marks chungthuah sawisela um chungthuah Committee indin a ni a, chu committee in report an peklut dungzuin sawrkar chun minimum qualifying marks hmu hai chau grace marks pek dinga rawtna um chu a pawmpui thu, grace marks chu paper/subject pathum haia pek thei a ninaw ding thu hai a hril bawk. (PTI)

Myanmar mi 200 chuong Mizoram-ah an raltlan

AIZAWL: Myanmar-A Arakan-a Ralie village khaw mi 280 chuong zet hai chu Saiha district, Mizoram sungan an raltlan niin zanita police thusuok chun a hril. Myanmar mi Saiha district-a hung raltlan hai laia a tamlem chu nuhmei le naupang an ni a, Lungkup Village-ah 200 vel an inbengbel a, 77 hai chu Khalkhy hmun lai an um niin official thusuok chun a hril a, Saiha district

administration le hi lai biela um Assam Rifles han sawmdawlna an pek tiin thusuok chun a hril bawk. Arakan Army (AA) helpawl le Myanmar army hai nasa taka an inbeituona karah an um leia tina leia hung raltlan nia hril an nih. Myanmar mi Mizorama an hung raltlan chungthu hi Assam Rifles officials han Myanmar army official hai an inhrietar ta a nih. (PTI)

Dimapur -Kohima inkar lampui divert

DIMAPUR: Nagaland-a Dimapur le Kohima inkar National highway chu mimkei in a sukchim leini lampui siemthana sin thaw mek a ni a. Hi lei hin Kohi-

ma a inthawk Dimapur pan ding motor hai chu Zubza CRPF Camp saka Shalom Bible Seminary tieng divert a nih tiin SP, Kohima chun a hril.

Dalits mi 2,000 chuong han Islam a inlet an tum

AGRA: Uttar Pradesh-a chun Aligar hmuna Dalit tribals mi 2,000 chuong hai chun Hinduism a inthawk Islam sakhua inlet an tum thu an hril. Upper caste inti local Thakur community han an sawisak le suknamat rawp hlak leia Hindu sakhua suksana Islam sakhua inlet an tum nia hril a nih. Local Dalit leader Bunty Singh chun, Upper caste Hindu han nasa taka an sawisak hlak le tawngkam mawi lo tak taka an deusaw rawp hlak bakah Hindu a khawm an

ngainaw niin a hril a, hi lei hin Hindu sakhua zui zing neka Islam sakhua inlet an tum niin a hril. Dalit mi pakhat dang Jaiveer Singh chun, Thakur hnam hai hin an ekin tui luongna ding tuioungkawr an cho chun Bhairav Baba idol inthut an tumna insuntir an tum niin an tum bawk. Hieng laizing hin village pradhan pasal Devendra Chauhan chun, tuioungkawr chona thua buoina hi local administration inrawinaa chingfel a nita thu a hril vet hung. (TNN)

Nagaland University in VC thar

DIMAPUR: Professor Pardeshi Lal chu Nagaland University (Central University) Vice Chancellor thar dinga ruot a ni anging May 18, 2017 kha a sin hi a chel tan tah. Pardeshi Lal hi Nagaland University a Zoology professor a ni a, Nagaland University history a dingin a university-a thawk lai ngei Vice Chancellor dinga ruota a um vavikhatna a ni a.

professor dinga lak a ni a, Vice Chancellor dinga ruot a ni hma hin HoD dang dang lo chel ta le Lumai Campus professor incharge, Kohima; Dean of School of Sciences, Controller of Examinations le Pro Vice Chancellor hai khawm lo chel ta a nih. UGC guidelines dungzuiin Vice Chancellor ding hin professor kum 10 bek lo chelta a ni ding ti a nih. A sin hi kum 7 sung anawleh kum 70 a tling chun a chel ding a nih. (AT)

ALL INDIA RADIO: CHURACHANDPUR PROGRAMME		
Date: May 23, 2017 (Thawleni)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement
5.00pm	P	Hymns to God : (Hmar) Esther Ramngaium (dev)
5.05pm	P	Local Announcement/Prog. Summary
5.10pm	P	Minor Dialect (Kom): S. Achon Kom & party
5.25pm	P	Science Hints (Hmar): Vitamin C le Cancer-Immanuel Pulamte
5.30pm	P	PAITE Prog. Sig. Tune & Announcement Announcer: Ngaizemhoih 1) Tuanzakham & party (trad) 2) Talk: Samsinna toh kisaia maban paizia ki lamlahna" -by T. Lianchinpaui
6.00pm	P	HIMAR Prog., sig. Tune & Announcement Announcer: Zazokim 1) Listener's Choice: modern songs
7.00PM	P	THADOU Prog., sig. Tune & Announcement Announcer: Nehkhollet 1) Tongkhokai Haokip & party Farm & Home: Hmar 1. Child "Thingkawlkai chingdan" - by Lalrosang

Editorial Board
Lalmalsawm Sellate: Editor & Publisher
Roding L. Sellate: Jt. Editor
Joseph Joute: Freelance
Lalsansuok Pulamte & Samuel Zothanglien@SZ Zote: Sports
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

LAKTAWI

Khawlai Ui in kum 50 mi Ngamantu a sehlu

THIRUVANANTHAPURAM: Kerala-a Pulluvila hmuna chun zanikhan a enkawltu umlo khawlai Ui (stray dog) in Ngamantu Joseclin (50) chu a se hlum. Mr Joseclin hi a taksa hmuntam takah Ui hin a se hliem leiin irang takin hospital panpui a ni a, sienkhawm damzo lovin a thi a nih.

Kerala state a hin Ui se a tam hle a, nikum sung ringawt khawm khan Ui in mihriem a se hi 53,000 an tling phak niin official thusuok chun a hrii. Tulai hnai ela Supreme Court in Kerala-a Ui se tamna le inzawma report a peklut a chun kum 2015-16 sung khan Kerala a hin Ui se case nuoiokhat chuong an um. (ANI)

MoS Finance in July 1 inthawk GST

BAREILLY: Minister of State for Finance Santosh Gangwar chun, May 18 le 19, 2017 haia Goods and Services Tax (GST) thua meeting hunah July 1, 2017 a inthawk GST hmang dinga riruong a ni angin hmang tan a ni ding thu a puong.

Pepsico zangnadawmna Rs. 15,000 pe dingin a hriettir

CHENNAI: Chennai Consumer Disputes Redressal Forum (North) chun, April 13, 2017 nia Mirinda soft drink bottle sunga thilhring inlang hmu a nina thua Pepsico India, Gurgaon, Haryana chu zangnadawmna Rs. 15,000 pe dingin a hriettir. Zangnadawmna sum hi chawlikar 6 sung ngeia pe dingin K. Jayabalan, Chairman le T. Kalarayasi member hai umna forum chun a hriettir a nih. Complaint petu hi P. Thalapaty of Aminjikarai a ni a, Mirinda soft drink hi Strahans road-a Tasmac dawra inthawk July 27, 2013-a kha an chawik a nih. (ENS)

Demonetised notes Rs. 90 lakh man

CHENNAI: Koyambedu CMBT Police chun zani hmasa zingkar khan Coimbatore mi v eve Sabeer (30) le Mohamed Rishad hai chu India pawisa inthitir ta hnung (demonetised) Rs. 500 le Rs. 1000 notes hlui Rs. 90 lakh dehawt ding leh an man. Hieng pawisa notes hlui hai hi Chennai a inthawk Coimbatore tienaga Bus a phur an tum laia CMBT Bus stand-a Bus a man a nih. (ENS)

J&K ramhnuoiah ralthuom dapdaw

SRINAGAR: Security Forces hai chun zanikhan Jammu and Kashmir-a Kupwara district sunga handwara area ramhnuoiah helpawl hai ralthuom dapdawkin an man.

Ralthuom dapdawka um hai lai hin Pistol 1, pistol magazines 2, silaimu 40, power bank 1 le charging cable, binocular, dry battery 7, hrei le walking stick hai a thang.

Hieng ralthuom le thil hai hi 6 Rashtriya Riles han dappui an thawna hunan a dapdaw a nih. (PTI)

Irom Roger thina thuah SC in Centre le Manipur sawrkar hai notice a pek

NEW DELHI: Kum 2011 tuta Manipur Chief Minister hung nit ah N. Biren Singh naupa Ajay Meetei in Irom Roger silaia a kaphlumna case fe pei le inzawma Irom nu le pa han an hringna a him naw nia intumna an siem le inzawmin Supreme Court (SC) chun sawrkar thlungpui le Manipur sawrkar hai chu dawmna pe dingin inhriet-tirna notice a pek.

Notice hi Justices L. Nageswara Rao le Navin

Sinha han sawrkar thlungpui le Manipur sawrkar kuoma an pek a ni a, Irom Roger piengna nu Chitra Devi in ngenna a siem angina May 29, 2017 chenah dawmna pe dingin Union home Secretary le Manipur Chief Secretary hai chu an hriettir a nih.

Ajay Meetei hi March 20, 2011 a Irom Roger kap hlumna le inzawma kum 5 sung intang dinga jail-a intang mek ta a nih.

Hril dana chun Irom

Roger khan Ajay Meetei hi a SUV car in a tlanpel ding a dang tlat leia lung-sena Ajay khan Roger hi a kaphliem, a hnunga damzo lova thi niin a hrii.

Hi case a Irom Roger sung hai ta dinga ngr nuom lawyer khawm an inhuu zonaw nia hrilrik a ni a ni a, tuta hma met khawm khan Roger sung han an ruoi lawyer chun helpawl haia inthawk vauna a dawng niin a lo hrii ta nghe nghe a nih. (PTI)

MP-ah Rel-a inthawk naupang 50 chu-ong keithlak le Police Station-a hrentang

RATLAM: Madhya Pradesh-a chun May 21, 2017 khan naupang kum 12 le a hnuoiteng mi, an thuomhnaw tha tak a inbel hai mi 50 chuong hai chu sakuona inlet tuma intumna (religious conversion) leiin Rel-a inthawk keithlak le Police Station-ah dalker iemanizat zet hrentang an nih. Hieng naupang hai hi Child care centre a um ni dinga ring an nih.

Police chun a hnungin hieng naupang hai hi Christians an nih ti le Gujarat-a Meghnaga a inthawk Nagpur hmuna sakuona thil le inzawma function thang tum an ni thu anni irawitu a inthawk an hrietsuok.



Pawl thenkhatin hieng naupang hai hi an sakuona inlettir tuma thuoi an nih tia report an dawng leia Police hai hin naupang hai hi Ratlam Rel station-a Rel-a inthawka an keithlak nia hrii a nih.

Naupang hai hi zan dar 7 a inthawk zanril chen khan Police station-a hrentang an ni a, tha taka enfel an ni hnungin Police chun

government helpline Child Line kuta pe dawkin an umna Care Centre tieng an thak.

Hieng naupang hai irawitu puiting mi 7 hai chu Police han zani zingkar dar 2:30 chen khan thu indawna an nei a, sienkhawm Police chun sakuona inlettir tuma intumna iengkhawm hmu le hriet daw an nein aw a nih. (NDTV)

ITIs hai School pangngai hai anga inlettir tum

NEW DELHI: India rama Industrial Training Institutes (it is) haia inchuk students 20 lakh vel hai ta dinga tha lem dinga ngaituona leiin sawrkar chun India rama it is hai chu CBSE le ICSE hnuoia affiliated hai anga school pangngai anga inlettir vavng dan ding a ngaituo mek. Hi thil hi hmang a hung ni chun ITI graduates han Schools le Colleges haiah regular courses an sunzawm thei ding a nih tiin official thusuok chun a hrii.

Ministry of Skill Development and Entrepreneurship in hi rawtna hi a hung siem a ni a, HRD ministry khawmin a pawmpui

ta niin official thusuok chun a hrii bawk. Kum tin India rama it is 13,000 haia inthawk students 20 lakh chuong an graduates zie hisap a nih.

Hi thila ding hin CBSE le ICSE hai angin board hran indin ning a ta, board chun regular board a Class X le XII zo hai angin certificates a pekdawk hlak ding a nih. Rawtna hi a taka hmang a nip ha National Council for Vocational Training chu exam huoihawt le ITI student hai kuoma Class X le XII Certificates peksuok theina thuneina pek ning an tih tiin thu dawngna chun a hrii. (ENS)

Tuta inthawk kum 8 hnungah Petrol le Diesel Cars hai an la bo ding: Study



Khawvel a motor engines han boruok pawrche an phusuok hai leia pollution control dan ding khawvel rambung han nasa taka an ngaituo mek le tulai khawvela motor siemtu han thautui le petrol hmanga tlan Cars hai electric hmanga inlettir tuma hma an lak peina le inzawmin tuta inthawka kum 8 hnungah chun Petrol le Diesel hmanga tlan Cars an la hung bo vavng ding a nih tiin study thawtu hai chun a hrii.

Stanford economy Tony Seba chun, kum 2030 a chun khawvela thautuia sum-

dawngna (global oil business) hi a la hung tawp a ring thu a hrii. Study thawna tulai hnai ela Stanford University in an published a chun, fossil-fuel hmang Cars hai chun tuta inthawk kum 8 hnungah chun la hung bo vavng an ta, Car inchaw nuom hai chun an nuom le nuomnaw thu hrii thei lovin electric motor cars an la hung inthawk a tul ding a nih tiin a hrii a, petroleum industry hung thusuok ding leiin Cars chau ni lovin Buses le Trucks hai khawm an la hung tlawm pei ding a nih tiin a hrii bawk.

Report in a hrii peinaa chun, tuta inthawk kum tlawmte hmungah chun consumers han thautui thunna ding petrol pumps hung inwai an ta, mechanics hai khawmin motor parts an hung hmu zo tanaw ding a nih tiin a hrii.

PM in Project tum tum a hawng



KUTCH: Prime Minister Narendra Modi chun zanikhan Gujarat-a Kutch district-a Kandla Port hmuna project tum tum a hawng bakah project dang dang thawna ding lungphumna a nei.

PM in project a hawng le lungphumna a nei hai lai hin Dr Babasaheb Ambedkar Convention Centre, 14th and 16th Carbo Berth, Sal junction hmuna Railway bridge; Mechanised fertilizer handling facility

hai a thang.

Zani zantieng khan Bhuj hmuna thuhriina neiin program hran hran haia a t hang a, zani zantieng khan Bhachau hmuna Kutch region-a Narmada branch canal a pumping station bawla um a hawng. Hi pumping station hin khuo 182 haia Lo hectares nuoi 2 le sang sawmriet-a lien tui a pek thei ding bakah villages 877 le towns 14 hai tui dawn ding a pek thei dinga ti a nih. (AIR)

Constable tlanhmang in Hizbul Mujahideen a zawm

SRINAGAR: Zani hmasa laia Kashmir-a Budgam district-a posting rifles 4 le tlanhmang Police constable Syed Naveed Mushtaq chun Hizbul Mujahideen helpawl a zawm ta niin intelligence report chun a hrii.

Constable Syed Naveed Mushtaq kha Budgam-a Chandpora hmuna FCI Godown vengtua um a ni a, ama chawli lai rifle pakhat thanga INSAS Rifles 4 le tlanhmang a nih.

Jammu and Kashmir a hin Police silai le tlanhmang-a helpawl zawmna hi a huor hle a, March 27, 2015 khawm khan PDP Minister Altaf Bukhari chengnain a posting Pulwama district mi constable Naseer Ahmed Pandit chun AK rifles 2 tlanhmangpuiin helpawl a zawm a, sienkhawm April, 2016 kha Shopian district-a inkaptuonaah kaphlum a nih. (PTI)

HP CM in bail a ngen

NEW DELHI: Himachal Pradesh Chief Minister Virbhadra Singh le a nuhmei Pratibha Singh hai chu zanikhan disproportionate assets case le inzawmin Court hmaah an inlang a, hi case-a intumna thuah bail an ngen.

Mr Virbhadra Singh le a nuhmei bakah hin Life Insurance Corporation agent Anand Chauhan, le a thawpui Chhuni Lal, Joginder Singh Ghalta, Prem Raj, Lawan Kumar Roach, Vakamullah Chandrashek-

har le Ram Prakash Bhatia hai khawm ko ve an ni angin Court hmaa hin an inlang.

Mr Virbhadra Court-a an lang hun a hin senior Congress leader Digvijaya Singh khawmin a tawiaawm ve.

Virbhadra thanga zanita Court in inlang dinga a ko anga inlang han chingthua hearing nawk chu May 29, 2017 a nei dingin Special Judge Virendra Kumar Goyal in a ruot nawk. (IANS)

Punjab in Old Age pension a dingin Rs. 256.74 crore

CHANDIGARH: Punjab sawrkar chun kum 2017-18 sunga a state sunga Old Age pensioner hai suma thangpuiina thila hmang dingin Rs. 256.72 crore a bituk tiin Social security and women and child

development minister Razia Sultana chun zanikhan a hrii a. October, 2016 chena khan Old Age pension hi beneficiaries hai kuomah thla tin Rs. 500/- pek an ni ta thu a hrii. (PTI)

Zu thalo dawn leiin mi 4 an thi

BHOPAL: Madhya Pradesh a Morena district sunga Ghauspur village a chun dalker 48 liemta sung khan zu thalo dawn leiin pasal 4 in thina an tuok bakah midang 4 an damnaw pha leiin Hospital-ah enkawl an nih. Zu thalo dawn leia thi hai chu- Brajendra

(22), Sunil (27), Giriraj (45) le Chotu (35) hai an ni a, Irinini zan khan an zu dawn lei hin nasa takin an inluok a, Pathienni le zani zingkar hai khan damzo lovin an thi a nih.

Mi 4 hai khawm anni ang deua an inluok leiin hospital-a admit an nih. (PTI)

North Korea, IRBM Ensin Hlawtlingin A'n Hril

PYONGYANG: North Korea news agency KCNA chun Thawt anni khan, America kap phak ding meithallawn siemsookna dinga sirbi pawimawtak (late-stage) tlungna, solid fuel hmanga kap suok Pukguksong-2 Intermediate-Range Ballistic Missile (IRBM) chu hlawtling takin a kap suok nawk tah niin a hrii. Hi Missile hi Kom Jong-un chun hmang thei dinga 'field' a phur suok ngahl dingin thu khawm a pek tah niin a hrii bawk.



chat chat a nih a. Kim Jong Un chu a hliem em em a. Hmang thei dinga phur suok ngahl dingin hlim takin a hrii a nih' tiin a ziek a. 'Hi missile-in a phur camera hmanga chungtienga inthawka khawvel lim a hung lak limhai chu a hmumin, khawvel chu a lo mawi ngei el' a ti hiel a nih tiin, an missile kap suok hlawtling zie tarlangna dingin a hrii.

South Korea military official hai chun, hi missile hi America kap phakna chi a la ni nawh a. Km 500 (mel 310) a hla le Km. 560 a insang a vuonga a, North

khâr vavng an tah.

President Moon, May 10 a tling thar chun inlaichinna thalem siem a beisei zing lain missile ensinnahai an an kar a sukhlia deu deu ding niin a hrii a. Pyongyang inzin a tum khawm tangkaina nei dinga a hriet a naw leiin Japan le thanguoela Economic tieng na taka rek dingin an ngaituo tah lem a nih.

Global Security Program, US-a Union of Concerned Scientists co-director Mr David Wright chun, 'Solid fuel hmang missile hi chu solid fuel thunsaa phur lawna kap suok thei a nih leiin a remchâng a. Mobile launcher phur lawn zing thei a ni leiin man fuk an tak bawk a. Solid fuel missile lien siem chu thil intak a nih. France le China hai khawm, medium-range a inthawka intercontinental ballistic missile-a siem ding chun kum 20-30 lai a laka. Chulein, North Korea hin tulai hnai ela a nei chu ring a um nawh a, a thaw pei ruok chun la nei thei a nih' tiin a hrii.

Hi thil hi US President inzin mek le Japan hai khawmin an lo hrieta. White House chun, hi missile hi a hmaa pathumhai nek khan a kap phâk chen a hnai lem niin a hrii. Secretary of State Rex Tillerson chun, 'Hi thil hi ngaitua thei an nawh a. North Korea chu an sukhuoi an sukhuoi ta nâwna dingin economic le diplomatic pressure nasa lem peka hren ning a tih' tiin a hrii a. Japan Chief Cabinet Secretary Mr Y. Suga chun, N. Korea-in foreign currency a hmuna suktlawm pekin, technology transfer hai kharpek a, nuclear missile a siem sunzawm thei ta nâwna dinga rekhet a tul a nih. Keini khawmin a tul ang angin rek kan tih' tiin a hrii. South Unification Ministry thupesawngtu Lee Duk-haend chun, Seoul-in na takin a thunglet ding zing lain North le inlaichinna suktawp ruok chu thil tha ni nawh ni, tiin a hrii. Inbiekna ding kawt chu hawng zinga sie a tha niina hrii bawk.

MARKSHEET LOST

I have lost my Original Marksheet of Class XII Examination, 2007 bearing Roll No. 2265 issued by Council of Higher Secondary Education, Manipur on the way between Khawmawi and Rengkai on 07-05-2017. Finders are requested to handover the same to the undersigned.

Sd/- Lalringsan Joute
Khawmawi, Churachandpur.

FIELNA

Pathienin rem a ti chun May 24, 2017 (Nilaini) dar 11:00AM in kan naupa Mr Rolungmuon Inbuon, s/o Mr J. Malsawm Inbuon le Mrs Lalrawnkim, Kolasib, Mizoram le Miss Olivia Ramhlunmawi, d/o Mr. (L) Lalkhumlien & Mrs Lalhangmawi, Sielmat, Churachandpur hai Kohran Dan thienghlima kut insuina Roberts Jubilee Chapel (ICI Biekin), Sielmat, Churachandpur-an nei ding a ni a. Hi inneina hunser mi hung hrepui ding le mi hung lawmpui dingin Krista thisen zara Kohran-hai ngaina takin kan hung fiel cheu. Innei zo zantieng 1:00PM in Reception programme Muolvaipei-ah hung thang seng dingin kan fiel bawk cheu.

Fielna card a hrana siem a ninaw leiin Chanchinbua fielna kan hung siem hi mimal fielna anga mi lo pawmppek dingin kan hung ngen ngahl cheu.

- Fieltuhai:
1. Mr J. Malsawm Inbuon & Mrs Lalrawnkim (A Pa le Nu)
 2. Mr John Lalnunsang & Mrs Muoni (A papui le Nupui)
 3. Rev. Lalneimawi & Mrs Lalthanmawi (A Pu le Pi)

PIGROW Tablet

VAWK INTHANGNA DAMDAWI

I vawk zawr hun tlingna dingin kum khat nek tam ngahl ngai tanaw nih.



A THATNA:
* PIGROW mum hi Company-hai ti dan ang taka i pek chun thla 5 sungin kg. 70 chuongka hman a th.

* PIGROW mum hin, i vawk chu i pek thana inthawk chawl der loin an thang tir thei.

A PEK DAN DING:

- * Vawk pakhatath nikhatah mum 20 (zingtieng mum 10 le zantieng mum 10) pek ding.
- * Box khat ah mum 600 a um a, chu chu thlakhat sunga a fakzo ding a nih.
- * Rawt phita pek in fak avlsam an ti lem.



INCHAWK THEINAHAI:

1. Hmingi Bethel, CCPur # 8414852391
 2. L.K. Screen Printing Lighthouse Lane, CCPur
 3. Pet Care Centre, Tiddim Rd. CCPur.
- Order tam dan dungzuiin HOME DELIVERY khawm kan thaw thei.

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhnawmna hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a. Gastric a hung um a, ka phing a hung inri rak rak a, ka takasa a hugn chauin ka hung cher deu deu a. Ka beidawngin MV Azad Phusam ka pan a, hun iemanichena ni enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hrii a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekrwn thei a nih.



Lawmthu hrii, Sd/-Kikim New Lamka

June 8 a RS seat 10-a election ding thul

NEW DELHI: Election Commission chun Goa, Gujarat le West Bengal haia June 8, 2017 a Rajya Sabha seats 10 haia inthlangna nei dinga a lo ruot ta chu thul a ni thu zanikhan a puonga a, election nei hun ding hi a hnunga la ruot thar nawk ni dingin a hrii.

June 3, 2017 a inthawk EVM hackathon nei dinga ti le inzawma RS election hi thul dinga phutna um lei thul a nih.

India tlangkai mi 3 an thi, pakhat an hmang

KATHMANDU: Khawvela tlang insang tak Mount Everest tlangsip kai tlung tum India tlangkai mi 3 hai chu vur intawl leiin vurin a vur hlum ti zanikhan sukchieng a nita a, pakhat a umna chin hriet lovin a lan hmang bawk.

Tlangsip kai tum tlangkai mi dozen khat chuong zet ding hai chu harsatna an tuok leiin Helicopters hmangin sansuokna sin thaw pawl han an sansuok ta niin rescue operators han AFP an hrii.

Tu tuma Mt. Everest tlangkai thi mi 3 hai le hin tukum tlangkai hun (season)

sunga Mount Everest tlangsip kai tum thina tuok 5 an tlingna a nitah.

Pathienni khan Slovaki-an tlangkai mi Vladimir Strba chu a thisa a nih. Strba ruong hi Mt. Everest tlangsip tlung hma metres 100 vela hlana hmuna hmu niin Karmal Prajuli, Nepal Tourism Department official chun a hrii.

Strba ruong hmuna hmun hi Mt. Everest tlangsip kaitlungna dinga hmun harsatna tak, "death zone" an ti elna hmun a ni a, hi lai hmuna hin American climber Roland Yearwood khawm tlangsip kaisuo loin a thi a nih. (AFP)

TUOLSUNG Martyrs bukte a kang nawk



CCPUR: May 22, 2017 zingkar dar 2 vel kham tu ti hrietlo han Hiangtam Lam-ka, CCPur-a tribal martyrs hai kuong lem inzalna bukte siema um chu an raw nawk. Hi lai biela cheng mipui han a kang ti an hriet le in-ruolin darrang vuoa mipui tlankhawmin mei hi an thel a, hi lei hin buk hi a kang-siet vawng hman nawh.

Langdong Haolai Hall hawng



CCPUR: May 22, 2017, 11:30AM kham Haijang khuoah Langdong Haolai Hall hawngna le 11th Manipur Assembly Election-a 60-Singnat A/C an thawk Ginsuanhau & GS Haupu Zou, MLA le Chairman, MANIREDA lawmpuina nei a nih. Hi huna hin khawpui hman dinga bawl Langdong Haolai Hall officialin GS Haopo in a hawng a, Pastor Onkho Haokip in tawngtainain an hlan.

Hi huna hin SHG le pawl tum tum han MLA lawmpuina thilpek an inhlan tawl A, MDC Grace Zamnu, Suanchinpaui Guite le Ngamhau Touthang hai bakah Ex-MDC Neithang Mate, Tongkai Baite le Singnat biel sunga khaw lal han an uop tawl. Haijang khuo hi kum

Kris Jenner (61)-in Kim nau pai pek a huom

LOS ANGELES: Reality TV star, "Keeping Up With The Kardashians" a changtu hai Kim Kadarshian le Kourtney Kadarshian hai nu Kris Jenner, kum 61 ni tah chun a naunu Kim Kadarshian nau ding la pai pek an huom thu a hril.



Hi thu hi an titina "KUWTK" live TV program-a an hril a nih. An pathuma an titina TV live peksuoka chun, Kim a nu Kris hi a chi (egg) a tha lein Europe a sungkuo inzaumtak pakhat, aristocrat sungkuo mi chun a nauhai an tha thei lein a chi a tha ti an langa, ama khawm nau pai pek a nuom chun lawmman "tha tawk tak" pek an huom thu a hung hril a.

hnuonga a hung ti a nih ti an hmu suok a. Chu thu an hril pei lai, Kim hin a nu kuomah, "Anleh kei ka nau ding pai nuom i ti?" tin an dawn a. Kris chun, a naunu chu hmanai taka enin, "Pai pek zoi ding chea i mi ring zoi taktak chun, thaw taluo e. Anachu, a risky ta tho a nih" tiin a hril a. A sangnu Kourtney chun, "Kei khawm kan huom thu ka lo hril taa, nang chauh Mother Teresa in sawn naw

rawh" tiin a nu chu a lo fiam bawka, an hlim dar dar hle. Kourtney hin a unaunu nau ding paipek an huom thu kha hma kha a lo hril tah.

Milien milal, hausa billionaire ei thai khawm harsatna le lungkim nawna ding chu an nei tho. Kim khawm hi ni khat lai ela Billionaire kai thar nau pahni nei tah a nia chu a lung a la awi chuong nawh a. Nau pathumna ding a la dit em el ringawt el a nih.

Pathienin nau nei thei nawhai sum le pai malsawmna pek a. Pawisa sum malsawmna pek nawhai rila nau malsawmna pek, an tih hlak a. A pahnia dawng kawp chu mi vagnei tak an nih. Kim khawm hi a pahnia dawng kawp a nia chu a la dittawt naw a nih. Mihriem dit hin chintawt a nei naw tlat lein.

Kendall Jenner le Bella Hadid, Fashion for Relief ah

CANNES: Kum 20 bawr nunghak tha vanglei tak, mit la tak dinga inchei thiem hmel tha bawk chun mit an lak naw thei nawh a, lungril khawm nasatakin an keipet thei. Chu nina hman thiem nunghak chun mi ropuitak tak le rothil tamtak tak an thunun hlak a. An fena tieng tieng mi mit latu an nih hlak.



Kendall Jenner (21) le Bella Hadid (20) hai ruolcham khawm hi chuong ang mi chu an nih, mi mit keihem dan ding le lak dan ding chu an hriet khawp el. Cannes Film Festival le inzawma Pathienni zana Fashion for Relief an neinaah, Kendal le Bella chu ni lum laia hak chi zakuo le pounbil, pum a chanve inlang thei, dar inhawng vawng hakin an hung inpholang a. Mi tin mit le camera hai anni tieng an de fur el a nih.

Kendall chu 'metallic mini-dress' zan pal zakuo hnuoi ang deuh, malpui-ze lo dar awmbawr po inlang thei a hak a. A sam hlim vawngin make-up chite a hman met a. Hi zana an cheina

inthleng wavi lina, company han an inpholangtir, a ni taa chu a hmehlah sawlna le rinum tina a lan lang nawh. A pieng zen nal tak suklantu a nih tlat.

Bella Hadid chun vut rawng, taksa (naked) hawi si 'bead-encrusted gown' hnuoi phit a hak a. A dar po inhawng vawngin a awmbawr that zie an lang thei vawng a. Tight fitting a ban bo a ni lein a piengzie ang takin a tarlang a, saruok khawm a hawi vawng a nih. A sam sen thal nam pangin a khui a, make up uor lovin 'glossy' a hman a, hner thler sarin mitngem khui saii Kendall kawngah kuoa an hung lawn phe chu, tukhawm an nal nawh ti an um nawh.

Model hai pahni hi Cannes Film Festival, milar le milien tamtak hai lai an company hai thuumhnav fashion design hnan hnan pholang dinga thang ve an ni a. Red Carpet an hraw zo hnung hin lawngah chuongin Party khawm inhaw ti tawk takin an hman bawka a nih.

NASA in Abdul Kalam chawimawina in thilhring an hmuok thar hming an phuok



LOS ANGELES: NASA Scientist hai chun, NASA hnuoia laboratory pakhat Jet Propulsion Laboratory

(JPL) a researchers han International Space station (ISS) filter-a bacteria pakhat an hmuok thar chu India President hlui le missile man tia ko hiel fam tah Dr A.P.J. Abdul chawimawina dingin a hmingah Solibacillus kalamii ti an inbuk.

Hi filter hi International Space Station-ah thla 40 chuong a um ta a, hiengang bacteria hi tuchena hin ei chengna leihnuoi (earth) a hin hmu a la ninaw a, ISS a chau hin hmu dingin a um niin ei thu dawngna chun a hril.

Dr Kalam hin Thumba, Kerala-a India rocket hmasa tak ding a siem hma kum 1963 khan NASA a hin training a lo zu nei ta a nih.

LA LIGA: Cristiano Ronaldo le Karim Benzema hai goal hman-gin Real Madrid chun Malaga hnein title an lak

Pathienni zan kham La Liga final showdown nei a nih a, point pakhat char pawimaw Real Madrid chu Malaga khelmuolah an van zin a, goal 2 fainn hratna va changin kum nga sunga a vawikhatna dingin La Liga title an lak.



Inkhel tan hlama in-thawk minute 2 na chauah Cristiano Ronaldo chun goal a thun nghal a, hi goal hi tuta season-a dingin a goal thunna a nih. Half chengah goal dang a lut sap ta nawh. Second Half intan hlim minute 55 naah Karim Benzema chun an hratna sukchiengtu dingin goal khat a hung thun sa ve a nih. Hi dungzui hin Real Madrid hin point 93 neinin an hnuoi chara um Barcelona nekin pathumin an insang lem a nih. Tuta Real Madrid title lak hi wavi 33 an lakna char a nih. Real Madrid Coach Zidane chun, "Vawisun hi ka hlim ni tak a la nih. Cup dang khawm kan lak ta hlak a, anachu La Liga Title lei hak hi a hlu buk a nih, player ka ni lai khawm ka lo lak ta a, Coach ka ni hnuonga ka hang lak nawk hi ka hlim em em a nih," tiin a hril.

bawk. Eibar ta dingin Takasi Inui chungalok hmasa a thun a, ama bawkin goal hmina a hung thun nawk a. Anachu minute 63 naah Eibar player Junca chun an goal tieng a thun pal a, chu hung minute 70, 75 le 90 haiah Lionel Messi chun goal a thun a, a hmasa pahni hai hi penalty ve ve a nih. Chu karlakah minute 73 naah Luis Suarez chun goal khat a thun ve bawk. Barca hi hrat hai sien khawm Real Madrid an hnatw phak thei ta chuong naw a, lungril nat um takin pahnaa an um a ngai tah a nih. La Liga season zo a ni le inruol hin Sporting Gijon, Osasuna le Granada hai pathum relegate an nih. Result danghai: Atletico Madrid 3-1 Athletic Bilbao Celta Vigo 2-2 Real Sociedad Valencia 1-3 Villarreal

ENGLISH PREMIER LEAGUE: Tottenham relegate sa Hull City an sawp; Harry Kane hatrick siem

English Premier League tawp zan Champion zo ta lo Tottenham le relegate sa Hull City an inkhel a. Tottenham hai 7-1 tawpin an hrat. Tottenham ta dinga goal thuntu-hai chu Harry Kane (11', 13' le 72'), Dele Alli (45') Victor Wanyama(69') Ben Davies(84') le Toby Alderweireld(87') hai an nih. Hull City ta dingin Sam Clucas chun minute 66 naah goal khat a thun bawk. Tottenham hi ieng angin hrat lem hai sien khawm Chelsea an hnatw phak ta chuong naw a, pahnaa an lung a awi an ngai ta a nih. Hull City ruok chu inkhel 38-ah point 34 chau neinin an tla fel der ve thung. Hi dungzui hin Hull City, Middlesbrough le Sunderland hai chu season tharah Championship tieng an inkhel ta ding tina a nih.



Arsenal khawma Everton 3-1 an hne a, champion sa Chelsea khawma Sunderland 5-1 in an hne bawk bakah Manchester City khawma Watford hai 5-0 tawpin an hne bawk. Liverpool chun Middlesbrough hai

3-0 in an hne bawk a, Manchester United khawma Crystal Palace 2-0 in an hne. Liverpool an hrat le inzawmin palina an um phak hram hram a, Arsenal chu pangana an ni ve thung. Result danghai: Burnley 1-2 West Ham United Leicester City 1-1 AFC Bournemouth Southampton 0-1 Stoke City Swansea 2-1 West Brom

Wayne Rooney naupa Kit lawm a hlaw lem

LONDON: England Captain le Manchester United star player, tulai khawveta England-a goal thun rawntaka record tah Wayne Rooney naupa kum khat vel chauva la upa Kit Rooney chun, Old Trafford-ah Pathienni-a Manchester United in Crystal Palace 2-0 an hne zova field (pitch) sunga va tlan lut chun a pa nekkin mi mit a laka, en nuom le lawm a hlaw lem.



Kit Rooney hin Premier League match an khel zovin field (pitch) sungah a va tlan lut a. A hlim taluo a tha a fan taluo deu ning a tih, a tlan hrat baw goal net ah a van tang pha a. Mipui an lawm dur dur hle. A pa ang thova field sunga nghal ding a nih. Game an khel zo khawmin a pa kuom tieng a lo va tlan phe a. A pan a pawm lik a, mipui lo lawm dur dura kut lo benhai tieng chu enin a lei a la hei thlak kum zek zek naw nghal a. Naupang har tak chu ning a tih.

Wayne hin football le inkhel ngaina mi a nih. Wayne Rooney le Coleen Rooney (31) hai hin nau pathum an nei tah a, pasal vawng. Kai (7), Klay (4) le Kit (1). Kit le u Kai (7) hin an pa Wayne a inthawkin inkhelna thisen chi hi an laksawang niin an lang. Kai khawm hi a pa ang thova football le inkhel ngaina mi a nih. A sangpa field sunga inhnel chu a va zawm ve a. Manchester United uniform dum lem pa hakin field sungah football a khal zar zara goal-ah a va pet lut ve khek a. A ball them dan le a sangpa a hei ko vel dan le chetzie khawm a pa ang ang a nih.

Wayne a nuhmei Coleen khawm hi naupasal ngawt pathum, kum 10 hnuoi vawng enkawl lai a

Wayne hi football inkhel a thiema chu Blackjack le Roulette (pawisa inkhel) ruok chu a thiem naw hle. Tuta thla bul lai kham zan khat chu Club ah fein Roulette le Blackjack a va khel ve a, £500,000 (Rs. 4.1 crore) vel zet a va sukhmang vawng a nih! Mita hmutu hai hril danin, zan rilah Manchester-a Casino pakhat a fe a. Darkar hni vel Roulette a khel a, a fimkhur naw bawk. Pawisa a bawt pup pup a, Pound 500, 000 zet darkar hni sungin a cha hman niin The Sun chun a ziek.

NEROCA I-League 2nd Division Champion thar

Manipur club NEROCA FC chun zanikhan TRC Turf Stadium, Kashmir hmunah Lonestar Kash-

mir FC chu 4-1 a hnein I-League second Division champion nina an lak. NEROCA FC hi sports

Mumbai-in Pune one run-a hnein IPL-2017 title an lak

HYDERABAD: Mumbai Indians chun Pune Super-giants hnein a vawithumna dingin Indian Premier League an lo lak nawk tah. Mumbai Indian hai hin an khingpuihai hi run khat chaua an hne a nih. Zirtawp zan kham final lutna dingin Kolkata Knight Riders hai an hung hne a, final matcha hin bat/hlap hmasain runs 129 chau an hung siem phak a nih. IPL final matcha runs siem tawm tumtak nisen khawm an khingpui Rising Pune Supergiants hai hin an hung hnatw phak chung nawh.



Inkhel hai hi an inbeitawk hle a, Mumbai haiin over 15 zoa 81 for seven an siema, an khingpui haiin over 15 zoa 83 for five hung siem ve-in, over bo chen a,

Mumbai haiin 129 for 8 an siem chu Pune haiin haiin theitawpin hung hnatw hai sien khawm 128 for 6 chau hung siem phakin hratna an hung chang zo ta naw a nih.

Drake-in 2017 Billboard Music Award Record Break



LAS VEGAS, NEW YORK: Hlasakthiem thaw tha le hlawtling bikhai chawimawina insangtak 2017 Billboard Music Award chu Pathienni zan kham Fountain of Bellagio, Las Vegas, New York ah nei a nih a. Canadian rapper Drake chu award chi hnan hnan 13 dawngin record thar a siem. Drake hin 2012 kuma Adele-in Award 12 a lak kha a khum a nih. Top Artist, Top Male Artist, Top Rapper le a dang dang a lak bakah a album "Views" khawm Album of the Year a nih.

Pahnia dawng rawntak chu Beyonce, panga a nih a. Pathuma le palina chu Twenty One Pistol pali le The Chain Smokers pathum dawngnai an nih. Beyonce le Twenty One Pistol hai hi an thang thei nawa chu Award inhlan tho an nih. Lawmman a lak huna Drake chun inngaitlawm takin thu tawite a hril a. "Ka nominee chanpuhai po po ka lawmpui cheu a. Ka award dawng hi ka team, managers, engineers, fans hai zar a nih, abikin a kul a taia mi thlawptu kan nu (Nicki Minaj) le ka pa" tiin lawmthu a hril.

Top Christian Song chu Hillary Scott hla The Family "Thy Will" in a lak a, Top Gospel Song chu Travis Greene "Made a Way" in a lak a. Top Country Song chu Florida Georgia Line hla "H.O.L.Y." in a lak a. Top Gospel Artist chu Kirk Franklin a nih.

Award hi Michael Jackson naupa Prince Michael Jackson le Kate Beckinsale han an present a. Host chu Ludacris le Vanessa Hudgens hai niin, performer chu Miley Cyrus, Celine Dion, John Legend le mi dang dang an nih. Drake le The Chain Smoker khawm an perform bawk. Award category hnan hnan, a pawimaw zuol dawngtu hai chu a hnuoia hai hi an nih.

- Billboard Music Awards Winners
Top Artist: Drake
Top New Artist: Zayn
Top Male Artist: Drake
Top Female Artist: Beyoncé
Top Billboard 200 Artist: Drake
Top Hot 100 Artist: Drake
Top Song Sales Artist: Drake
Top Radio Songs Artist: Twenty One Pilots
Top Streaming Songs Artist: Drake
Top Social Artist: BTS
Top Touring Artist: Beyoncé
Top Rap Artist: Drake
Top Rap Tour: Drake
Top Country Artist: Blake Shelton
Top Rock Artist: Twenty One Pilots
Top Latin Artist: Juan Gabriel
Top Christian Artist: Lauren Daigle
Top Gospel Artist: Kirk Franklin
Top Billboard 200 Album: Drake - Views
Top Rap Album: Drake Views
Top Country Album: Chris Stapleton - Traveller
Top Rock Album: Metallica - Hardwired...To Self-Destruct
Top Hot 100 Song: The Chainsmokers Featuring Halsey 'Closer'
Top Selling Song: Justin Timberlake 'Can't Stop The Feeling!'
Top Radio Song: Justin Timberlake 'Can't Stop The Feeling!'
Top Rap Song: Designer 'Panda'
Top Country Song: Florida Georgia Line 'H.O.L.Y.' Florida Georgia Line Featuring Tim McGraw 'May We All'
Top Rock Song: Twenty One Pilots 'Heathens'
Top Latin Song: Carlos Vives & Shakira 'La Bicicleta'
Top Christian Song: Hillary Scott & The Family 'Thy Will'
Top Gospel Song: Travis Greene, 'Made A Way'

Novak Djokovic-in French Open-ah Andre Agassi coach a hman ding



ROME: Hung tlung ding Pathiennia French Open inkhel tan dinga hin Novak Djokovic chun Andre Agas-in a coach ding thu a puonglang.

Maria Vajda inthepuini le a team chanpui mi pahni hai an thepui bawka a nih.

Liemtah Pathiennia Italian Open final a Alexander Zverev lakah a tawm zo hnung kham Novak Djokovic chun a coach thar ding Andre hi an za thu hai hriin ama hin court sunga le court puoa hai a career ta dingin danglam an thun ngei a beisei thu hai a hril.

Djokovic le Agasis hai hi phone hman gin karhni lai inbiokpawna lo neitain, chulaizingin anni pahni karah hin hun sawttak inkawp ding thutlukna siem an nei hri nawh. Agasis hin hi tournament (French Open) sung po khawm hin enkaui muolsuo naw nih.

World Ranked No. 2 Djokovic hin thla bul lai kham sawttak coach-a a hman

Andre Agasis hi kum 2006 kham Grand Slam Title 8 le Tennis lo chawlsan-in, Djokovic hin Grand Slam title 12 alak tah bawka a nih.

Table with 10 columns: Pos, Team, P, W, D, L, GS, GA, +/-, Pts. It lists the Premier League table as of May 21, 2017, with Chelsea at the top and West Bromwich at the bottom.